

# Ein duseggen nemen mit ainem Armbruch

32



## Item schick dich

Also mit dem zu fechten tritt mit dem  
em lincken schenckel hinein vnd harv im mit ainem doppel harv nach seinem haupt verseyt. Er  
dir das so volg mit deinem rechten schenckel hinnach vnd zwirch zu seiner rechten seitten ver  
seyt er dir das furvass so sey deinen lincken schenckel auf sein rechte seitten. In dem wind deinen  
du seggen zu seinem gesicht zu seiner lincken seitten das die lann gschneid oben stee suchet er dir also  
zu deinem gesicht so tritt mit deinem rechten schenckel hinein vnd sey im das ab mit deiner langen  
schneid. In des sey deinen lincken schenckel fur seinen lincken vnd fall im mit deinem gehulz ober  
seinen rechten arm so harvstu in durch sein haupt. In dem greiff mit deiner lincken hand nach  
seinem rechten. In pogen so breichstu im den arm begert er dir den arm also zu vrecken vnd  
er dir ober gefallen ist mit seinem gehulz so greiff mit deiner lincken hand nach seinem rechten  
In pogen mit deinem duseggen ober seinen rechten arm vnd wend dich damit auf sein rechten  
seitten. In des kom mit deiner lincken hand deiner rechten zuhilff so nimbstu im den duseggen  
hat er dir den duseggen also genommen so stöß im mit deiner lincken hand an seinen lincken  
In pogen so entgeßtu im das er dir nit schaden mag.